

Gvangjsih Minzczuz Bau

ganhhau: CN45-0036 B.2020 Nd.6 Ng.3 liggaeuq gengceij nienz nyinh ndwenseiq cibngeih

广西民族报

(壮文版)

主管主办: 广西壮族自治区

区民族宗教事务委员会

编辑出版: 广西民族报社

出版期数: 总第 3426 期

Swcigih Cunghgyau Donzdij Fugsahh Cungsims, Gvangjsih Minzczuz Bause

Nyinhcaen Hagsib Gij Cijsi Cingsaenz Youqgaenj Siz Gin- bingz Doiq Mauznanzczuz Baenz Aen Minzczuz Duetgungz

Mboengqneix, Swcigih Cunghgyau Donzdij Fugsahh Cungsims, Gvangjsih Minzczuz Bause heuhcomz daengxcungq ganbu nyinhcaen hagsib gvancez gij cijsi cingsaenz youqgaenj Siz Ginbingz cungsuhgi doiq Mauznanzczuz saedyienh baenz aen minzczuz duetgungz, caemhcaiq giethab guhhong saedsaeh doxyaeng daezok gij banhfap bouh laeng bae hagsib gvancez doeksaed.

Swcigih Cunghgyau Donzdij Fugsahh Cungsims daezok sam hangh banhfap. Daih' it dwg dawz hagsib

gvancez doeksaed gij cijsi cingsaenz youqgaenj Siz Ginbingz cungsuhgi dangguh gij cwngei yinvu ceiq youqgaenj dangqnae caeuq baezlaeng aen seizgeiz ndeu; daihngcih dwg lai guh hagsib senhconz hozdung, doenggvaq lai cungj hingzsiq, yiengq gij vunz cunghgyauei gih raeuz caeuq gyoengqvunz saenq gyauei haenx gvangqlangh senhconz gij cijsi cingsaenz youqgaenj Siz Ginbingz cungsuhgi, hawj cingsaenz haeuilaeg sim vunz; daihsam dwg gaenxmaenx bang gij hong duetgungz

gunggeng, gyamaenh gij cwngezgoj duetgungz, gaenxmaenx dazyinx cunghgyauei camgya gij hong duetgungz gunggeng, vih saedbauj gih raeuz caeuq daengx guek itheij cienzmienh hwnqbaenz aen biengz siujganh guh ok cizgiz gungyen.

Gvangjsih Minzczuz Bause daezok, daengxcungq dungzci aeu seizseiz gvansim yawjnaek gij seizsaeh hungnaek guekgya, baujeiz sinhvwnz singjaeh, cungfaen yungh veizsin gunghcunghau, doujyinh, vangjean,

bauqceij daengj senhconz bingzdaiz, lai fuengsik, lai fuengmienh daihlig senhconz Siz Ginbingz cungsuhgi doiq Mauznanzczuz saedyienh baenz aen minzczuz duetgungz guh ok gij cijsi cingsaenz youqgaenj de caeuq daengx guek song hoih haehlied baudauj, vih coicaenh minzczuz doxgiet, cukmaenh gij yisiz Cunghvaz minzczuz gungdungzdiu cau ok yizlun heiqfaenh ndei.

(Veiz Gozsenh Veiz Yingcinh Maj Veiyungz)

Nanzdanh Yen: Siujhagseng Bwzguyauz Baijyienj Ndangdaenj Gyaunde



Ndwen 5 ngoenz 29, Hozciz Si Nanzdanh Yen Lijhuiz Yauzczuz Yangh Vangzang Siujyoz 1000 lai boux siujhagseng Bwzguyauz angqfwngfwng baijyienj ndangdaenj gyaeciq, boq gaeuvaiz, dwkgyangq, roq gyong, dajsiuq, yaenqveh Yauzvuengz daengj lai cungj lai yiengh fungsug Bwzguyauz, yungh cungj fuengsik neix daeuq angqhoi ciet "roek it". Ndaw doz dwg siujhagseng Vangzang Siujyoz baijyienj gij ndangdaenj gyaeciq Bwzguyauz.

(Fuz Lungzyangz Ciz Yisenh Yang Lanz/符龙强 覃玉先 向蓝)

Gvangjsih Daihlig Baujhoh Cienzciep Hwngfat Minzczuz Vunznoix Conzdungj Vwnzva Ndei

Gvangjsih minzczuz vunznoix vwnzva swhyenz fungfouq, vwnzva hozdung vunz lai gak miz minzczuz deihfueng daegsaek haenx yingyangj gvangqlangh. Gvangjsih haeuilaeg gvancez lozsi cunghyangh minzczuz gunghcoz veiyi, daengx guek minzczuz doxgiet cinbu byaujcangh daihhoih cingsaenz, daihlig hungzyangz gij conzdungj vwnzva maenhndei Cunghvaz Minzczuz, gyagiengz baujhoh cienzciep conzdungj vwnzva swhyenz ndei minzczuz vunznoix, cingzyauq yienhda.

Laeb caezcienz gij fapgi dijhi baujhoh feihvuzciz vwnzva yizcanj, cuknet gij giekdaej guhhong ciepswnj caeuq baujhoh. Fatbouh okdaiz

le baenzroix bouhmonz gvicieng caeuq cwngeiz vwnzgen. Caezcienz aen daiqbiujsingq mingzloeg feihvuzciz vwnzva yizcanj, gyarengz hengzguh cungdenj vwnzvuz baujhoh gunghcwnz hanghmoeg. Gyagiengz hwnqguh gij vwnzva binjbaiz minzczuz vunznoix, doicaenh vwnzva ik beksingq. Dajcauh le hauilai beksingq vwnzva binjbaiz hozdung. Haiguh vwnzyi ik minz, vwnzyi ceiqnyienh binjbaiz fugsahh hozdung, cauxbaenz le "sam nyied sam Bouxcuengh", Liujcuh Si "Hawfwen Byayizfung", Gveilin Si "aen daizheiq hung beksingq", Vuzcuh Si Heiqgun daengj daihbuek deihfueng minzczuz vwnzva hozdung

binjbaiz.

Cungdenj bangfuz caeuq doicaenh minzczuz conzdungj vwnzva caeuq minzgenh gunghyibin, gyagiengz hwnqguh minzczuz vunznoix vwnzva gunghgung fugsahh dijhi. Swcigih vwnzva bouhmonz cungdenj doicaenh caeuq bangfuz Namzingz gozci minzgoi yisuzceiz, 《Yinsieng Liuz Sanhcej》、《Golaux Betgveiq》、《Golaux Duncuz》、Loegvet vwnzva, Vehdat Byaraiz Ningzmingz daengj minzczuz conzdungj vwnzva caeuq gunghyibin, binjbaiz ndawbiengz, daezswng gij cehsim cengcieng naengzlig Gvangjsih minzczuz vwnzva canjnieb hanghmoeg.

(Vuz Yungz)

SIUSIK DINJ

● Ndwen 5 ngoenz 29, Sanhgyangh Duncuz Swciyen Gujyiz Cin Gyanghconh Siujyoz gawjhengz bi 2020 angqhoi "roek it" caeuq "gyo'aen dangj, haenh guekcoj", cienzbouh lauxsae caeuq boux cawjranz daiqbiu camgya sausenhduiyenz moq haeu doih yizsiz caeuq youzyenz hozdung.

(Gungh Bujganh)

● Ndwen 5 ngoenz 29, Hocouh Si Bazbu Gih gawjhengz siufeiq banggungz nungzcanjbinj canjsiuhvei. Canjsiuhvei yungh gij nungzcanjbinj miz dangdieg daegsaek haenx guh giekdaej, vih duetgungz gunggeng swngchancj dieggoek caeuq nungzhoh nungzcanjbinj dapgiuz, hailangh hawciengz.

(Liu Cujbingz)

● Ndwen 5 ngoenz 29, Baksack Si Denzyangz Gih youq Baeuqroxdoh Vwnzva Gvangjczangz gawjbanh bi 2020 "gien lwed gouq vunz • soengq simgyaez" goeng' ik hozdung, ndaej daengz daengx gih gak danhvei caeuq sevei gak gyaiq doxcaez hanhaemq, gungh miz 200 lai boux ganbu ginzcong doxcancj baizdoh gien lwed, cungj gien lwed soqliengh dabdaengz 68500 hauzswng.

(Vangz Gozsun)

● Ndwen 5 ngoenz 28, Lozcwnz Mulauzczuz Swciyen fulenz "saenqhwnz lajmbanj • mehmbwk densangh" beizyinbanh haiban. Mehmbwk gungzhoj dangdieg caeuq mehmbwk louzsoj, gyoengq mehmbwk dauqma mbanjranz cauhnieb haenx gungh 50 boux camgya beizyin.

(Liu Gvanghfuz)